



Seremonia entrega Sertifikadu aeroportu ba ANATL, E.P


Iha loron 26 Janeiru 2023, Autoridade da Aviação Civil de Timor-Leste (AACTL, I.P) entrega Sertifikadu Aeroportu ba dahuluk ba Administrasaun Navegasaun Aerea Timor-Leste (ANATL, E.P) tuir padraun Organizasaun Internasional Aviasaun Sivil (ICAO).

Ministru Transporte no Komunikaun (MTC) iha nia diskursu hateten katak "sertifikasaun aeroportu nudar prova katak Republika Demokratika Timor-Leste (RDTL) nu'udar membru ba Konvensaun Chicago kompromisu nia obrigasaun atu asegura Aeroportu Internasional Prezidente Nicolau Lobato (PNLIA) priense duni padraun nasionál no internasional sira nudar hakerek iha Timor-Leste nia CASR (Civil Aviation Safety Regulations) no ICAO-*Standards and Recommended Practices* (SARPs).

Bazeia ba Artigu 11 (b) Dekretu-Lei Nu. 32/ 2019, fó kompetensia ba AACTL atu hala'o prosesu sertifikasaun ba aeroportu. Tan nee, Konsellu Administrasaun AACTL I.P nomeia ekipa auditoria ida, ne'ebé kompostu husi inspetór sira husi Diresaun relevante ne'ebé responsavel hodi hala'o prosesu tomak, bazeia ba ANATL nia *expressions of interest* ne'ebé submete ba Autoridade da Aviação Civil de Timor-Leste. Prosesu sertifikasaun ne'e hala'o bazeia ba padraun ICAO iha Aneksu 14, V-1 no Dekretu-Lei Timor-Leste Nú. 32/ 2019 kona-ba Sertifikasaun Aeroportu.

Iha parte seluk, Dekretu-Lei n.o 08/ 2005, 16 Novembru permite Autoridade da Aviação Civil de Timor-Leste atu kontinua halo fiskalizasaun ba atividade jerál aviasaun sivil tomak iha territóriu Timor-Leste. Nune'e, wainhira sertifikadu ne'e entreaga ona, PNLIA sei sujeita ba inspesaun regulár husi AACTL, I.P. Rekomendasaun hirak nebee fo'ó atu hadia tenke completa, se lae sertifikadu ne'e sei bele hetan fali suspensun.

Auditoria ba prosesu sertifikasaun ne'e hala'o durante semana rua (2) nia laran, hahuu husi loron 13 to'o 22 Dezembru 2022. Prosesu sertifikasaun refere fahe ba faze lima (5) hanesan hatudu iha gráfiku. Parte prinsipál husi faze hirak-ne'e mak, permeiru, submisaun *expression of interest* husi ANATL ba AACTL. Tuir-mai, AACTL nia inspetór sira ne'ebé mak halo knar nu'udar ekipa auditoria, halo asesementu ba manuál ho dokumentasaun relevante PNLIA no ikus halo asesementu iha terenu.



Atividade auditoria sira-ne'e inklui mo'os halo asesementu ba dokumentus, infraestrutura, pesoál tékniku, prosedimentu no ambiente servisu. Prosesu hirak-ne'e hala'o bazea ba padraun sira ne'ebé hakerek ona iha Regulamentu Seguransa Aviasaun Sivil no padraun ICAO iha Aneksu 14-V1.

Liu husi kompromisu no esforsu tomak husi ANATL hodi halo *Corective Action Plan* (CAP) ba iha vereditu (*findings*) hirak nebe'e identifika durante período Auditoria. Ikus mai, prosesu sertifikasaun bele finaliza no Aeroportu Internasional Prezidente Nicolau Lobatu oficialmente prienxe rekerimentu sira tuir pardaun ICAO no Autoridade da Aviação Civil de Timor-Leste.

Rezultadu mak, iha loron 26 fulan-janeiru tinan 2023, Prezidente AACTL, I.P. entrega sertifikadu aeroportu ba Exelensia Ministru MTC, Sr. José Agostinho da Silva hodi entrega ba Prezidente ANATL. Serimonia entrega sertifikadu refere hala'o formálmente ne'ebé partisipa mo'os husi membru Governu relevante, membru Parlamentu Nasional husi Komisaun-E, korpu diplomátiku sira no stakeholder sira.